

5 Pensa bon

5d Ra ra ra, kiko mi ta?

- Tin diferente hende ta traha den un museo pa tur kos kana bon.
- Lesa e splikashon i buska e trabou ku ta kuadra ku e splikashon.

bendedó – direktor – guia – hardinero – mèneder –
resepsionista – restouradó – vigiladó

1. Asina e bishitantenan yega, mi ta risibí nan i yama nan bon biní.
2. Mi ta kana ku e bishitantenan den museo i splika nan kiko nan ta mira.
3. Ami ta esun ku ta manehá e museo; mi mester sòru pa tur kos kana bon.
4. Mi ta na kabes di e museo.
5. Si tin un opheto den museo ku mester drecha, ami ta esun ku ta drech'é.
6. Den museo tin opheto balioso, p'esei mi mester vigilá.
7. Si tin algu den e tienda di museo ku bo ke kumpra, ami ta yuda bo.
8. Mi ta limpia e kurá di museo i drecha e matanan.



6 Skibi bon

6d Koregí e teksto

Aròn a bishitá Museo Kurá Hulanda huntu ku su klas.
Yùfrou ta pidi tur mucha pa skibi un kuenta kòrtiku di e bishita.
Siguiete dia e muchanan ta pidi Aròn pa su kuenta.
Na e momentu ei e ta realisá ku el a lubidá di skibi su kuenta.
Tur nèrvioso e ta kuminsá skibi. Nèt ora e ta kla, bèl ta bati pa bai den klas.
Esei ke men ku Aròn no ta haña chèns di koregí su kuenta.

- Lesa Aròn su kuenta i korigié.
- Skibi e teksto di nobo den bo skref.

Mi bishita na Museo Kurá Hulanda

Dia ku nos a bai bishita Museo Kurá Hulanda, mi tabata entusiasma.
Asina nos a dreña konvoi, mi a imagina mi kiko lo mi bai mira.
Na entrada di Kurá Hulanda tabatin un señora gordo sinta riba un banki.
Despues mi a ripara ku e señora tabata un eskultura.
Mi a dreña tur e kasitanan di e museo pa mi mira delaster un detaye.
Den un di e kasitanan mi a mira kuadro artistiko.
Tambe mi a mira diferente model i tamaño di tambu.
Loke mas a impresiona mi, ta e kadenanan ku a usa durante sklabitut.
Den hardin di e museo tin un kolekshon di eskultura afrikano.
Na final mi a kumpra un suvenir pa mi keda ku un rekuerdó.

